

靈寶无量度人上經大法卷之六十三 壬

九煉生尸品

師曰三景開明九陽運化混元合炁聚而成靈寶三元數推周分十二在天則十二官分在地則十二分野在人則十二超格十二臟腑以應六陰六陽亡靈若經九煉則表裏生化還復人形若不經九煉生尸則形體不具罪垢纏身是故靈寶大齋秘法始以九煉亡魂生尸返神次之神仙中保修真之士可以全身定炁修身化形依法修煉可以運陰陽造化自然神炁與道合同皆自陰陽變化陰盡純陽可登真域凡人不能專其炁保其形貴其神情欲恣縱勞神損炁耗散元陽自取死壞離其本真至於現沉九夜魄墜三塗不自知覺難逆起生是以

可待亡魂煉度可以解除業障和釋上生謹按師旨自龍漢木劫生胤鬱單元量天上帝上禪善无量壽天尊監須延天中疑玉清始青天始元天始丹天上化太霄青霄碧霄是也赤明火劫生胤寂然梵術天液羅尼靈天洞玄化應聲天中疑上清太玄天太丹天始玄天上化紫霄絳霄神霄是也上皇土劫生靈化梵輔天高虛清明天无想无結无愛天中疑太清太初天太素天太始天化景霄玉霄琅霄是也至六千六百六十六萬年至延康素華金劫立四方三十二天帝二十八宿界四極天真上皇分司四方至五萬五千五百億萬年至開皇元陽之劫乃水劫也生五方五老五帝五嶽人民五劫開化分於四隅而九方九天九霄九聖九真九仙九微九道九曜九星九宮九壘九陰皆玄元始上中下三元青黃白丹紫絳碧景珠九炁所化故經云自此三號雖殊皆天地之極也清微妙範曰炁清高澄上積陽而成天界

炁濁凝滯下積陰而成地位二炁交降陰陽相索冲炁凝和以生人遺凡是生化人形與天地造化之元一體一象未嘗有易太初之本玄炁无形陽精此生神谷渺蕩无形混同无質无相无聲无光乃人身元始大神天寶祖炁之根至乎大發潛宮液化兩陽二炁混合交纏煉變神炁會同精血符合乃靈寶祖炁之本已立陰陽體象二劫赤明之法胎結中黃炁周二十七度兆胚有億化之神變位三才冲和成形大極生焉三十六度金炁育魄四十五度天一太一育魂五行備位五臟生華上生泥九九宮中化三九六腑色華九彩乃全人形九月天數八十一周地數三十六足胞胎九炁全功上應九炁九天則太一元君執注生之符長生帝君定命品高下司錄定年丈人勅籍司命定算壽五帝監生成九天聖母衛房九天司馬命章召太微之一炁生萬神百尸三界備守萬神恭敬而生為人身宜有異於天地故經云九天

司馬不下命章萬神不唱恭謹終不生也  
當生之時亦不為阻也但人不能保育元  
和煉養赤子但積貪嗔暗招罪戾遂致萬  
神去體一真蕩散魂神拘絆於冥漠罪垢  
汙染於三田自非九煉生尸苦惱何由開  
泰先宜備念幽塗遵稟奉行以祈真應毋  
自簡畧上冒天憲

謹按師旨凡行九煉生尸先用香華燈燭  
精嚴望東供養高功上香先進三拜再上  
香再拜長跪口奏齋意上啓

○九煉天專靈寶自然神真九天帝君五方五  
天帝君九臣所奏特降敕命頒付九煉返生  
真司仙靈符吏官將五方五靈童子鑒臨生  
尸九煉臣深慮肉質凡軀析告關難以達  
御發壇啓奏不依科格謹備五方五色神炁  
注入臣身蕩除五濁清淨三宮使臟腑開通  
百關流暢臣啓奏即得上達恭望天慈允臣  
懇請臣誠惶誠恐頓首稽首再拜  
次左手掐中指中節丁立存想東有九色  
神光而起良久之間變數千丈神光燦燦

炁以左鼻孔引接東方之上神炁吞入三  
田之內次面南方西方北方中央並如前  
存想取神炁五方取炁服畢先誦誦天門  
上三拜上香長跪啓奏

臣奉為某人生尸煉度已請五方五色神炁  
灌注三田恭望

天慈賜臣神炁下入身中洗滌塵垢神炁堅  
固啓告玄穹速賜感通呼召神吏立獲感應  
亡塊九煉即遂昇遷齊功成就魔障不生臣  
冒犯

○天威下情无任激切屏營之至謹稽首再拜  
謹言

先登壇端想左手掐普度訣宣科存想煉  
度之所自然有五色神炁覆蓋煉度之所  
存見太乙救苦天尊十方救苦天尊廣度  
沉淪天尊朱陵度命天尊法橋大度天尊  
火煉丹昇天尊轉輪聖王天尊金闕化身  
天尊道遠伏樂天尊寶華圓滿天尊九天  
神章天帝君九煉返生真司官君將吏天  
尊並著九色雲霞羽服九天上帝衣冠冕

執圭煉度將吏如世之僕伯各乘雲步空

降於壇所黃雲紫霧五色神炁罩於壇上

兆集神精思不可神思散亂九煉神吏還

洞陽之火煉度亡塊俟諷九章先存洗九

出九色神光一道徧滿虛空中有玉宸元

皇道君左右二真人侍道君放无極神光

下煉所度亡塊焚符兆指九煉訣默念起

界呪曰

玉清何法 為汝煉魂 再返人道 以超太清

急急如律令

念咒畢取東方炁吹符上送於火池內焚

之再默念太一救苦天尊火煉丹昇天尊

朱陵度命天尊各三聲次念生尸開度呪

曰

南闕洞浮 流火之庭 玉眸煉度 黃華蕩形

神魂得度 升入朱陵 急急如律令

次念九煉返生開度起升呪曰

真光煉度 一切罪魂 魄神澄正 滯魄起升

金容變化 九煉飛升 急急如律令

先行持九煉並要寧肅心田使身形俱忘

則精思感微若或心中掛一毫髮事亦不為究竟宜速式奉行


九天九炁自然符

无上盟真玉置黃錄大齋壇

本壇今月某日為某人某事具奏

天關請降

帶單无量天帝真胞命元元一黃演之炁真符生尸九煉正性聚神須至告下者



右準

帶單无量天帝真胞命元元一黃演之炁真符告下煉度亡過某人及九州分野五道四生幽魂滯魂等拔權實魂調理陰陽制魔保舉度品南宮死魂受煉仙化成人身身受度劫劫長存隨劫輪轉與天齊年永度三塗五苦八難超陵三界逍遙  
上清一如告命 太歲年 月 日

具法位 臣姓某 承誥奉行

內可漏

帶真胞命元一黃演之炁真符 具位某謹封

外方函

帶單无量天符命告下

具法位臣姓某謹重封

煉度亡過某人及五道四生幽魂

上上禪善无量壽天帝真胎命元洞宮冥界尸

之炁真符

梵監須延天帝真魂命元長靈明仙之炁真符

寂然境術天帝真魄命元陽尸冥演由之炁

真符

波羅尼密不驕樂天帝真臟腑命元五仙中

靈之炁真符

洞玄化應聲天帝真靈府命元高真神融之

炁真符

靈化梵輔天帝真元府命元高仙洞笈之炁

真符


高虛清明天帝真華府命元真靈化燄之炁

真符

无想无結无愛天帝真徽府命元自然玄照

之炁真符

右九天九炁真符誥文並同前式預十日  
前用黃紙九幅長一尺二寸用朱書符墨  
書誥文白紙作封皮方函書畢遂誦九  
天生神章取東方青炁吹符想符光彰燦  
爛煥赫奪日兆速日誦生神章呪之



焚香西東朕白齋意調神正炁誦詠九天  
生神寶章一過引九天真炁灌煉一身叩  
齒三十二遍存自己三丹田出三色真炁  
上接天界三清上帝自三丹田出九天上  
帝自泥丸九宮出无陽慈父丹林大帝本

公尊神水五色衣冠左右王番右有赤松子自肝中由左目而出西龜夫人金母元君五色雲鬢左有國光玉女右有太陰玉女自肺中由右目而出二神乃萬神之祖萬炁之先立於空際存自己五臟出五色雲炁自泥丸中出存五方五天帝君三十二天帝君浮空而來立於五色雲中存十方靈寶天尊十方救苦天尊十方救苦真人乘空步虛燒香散花同詣天帝放百寶光明照耀下方无極世界九幽羅酆五嶽四瀆九州社令應諸冥獄罪魂得覩符无俱得出離次存玄壇之外土皆作碧玉无有異色九煉返生真司靈官將吏各乘真炁立於壇之左右前後存丹靈大神朱陵神君各乘大龍自心中由重樓自兩眉間出在壇內其大龍踴躍福地皆成五色真火无有邊際存九煉官將管押亡靈及幽魂淨魂无量百千萬億咸來受煉次焚符火池內其符吏仙靈乘符真炁灌煉亡魂復相生形九天上帝諸天真仙在空玄之

際同聲誦誅九天生神寶章預壇法泉存為監煉真人在會之人存為監煉大將次存鬱單无量天帝以胞命元一黃演之炁纏其胞上徹於天以生成上上禪善无量壽天帝以胎命元洞冥紫戶之炁纏其胎下響於地以固根梵監須延天帝以魂命元長靈明仙之炁纏其三魂使魂神通靈以達精寂然梵術天帝以殤尸冥演由之炁纏其七魄使魄戶閉關天王降仙以安寧波羅尼密不驕樂天帝以五仙中靈之炁纏其五臟使五臟清涼五帝朝真以存神洞玄化應聲天帝以高真沖融之炁纏其六腑使胃管生津以納和靈化梵輔天帝以高仙洞笈之炁纏其七竅開聰星辰朗明以開通高虛清明天帝以真靈化燄之炁纏其八景使三部八景整具形神幽夜開光以防身无想无結无愛天帝以自然玄照之炁纏其身使三關五臟六腑九宮金樓玉室十二重門紫戶玉閣三萬六千間節根元本始一時生成令神布炁滿

聲尚神具毛髮生身次焚五神混合符使五神復住五臟焚混合百神符使百神會集四體如淨琉璃中含寶月並无一點塵埃次存三官九府百一十曹五帝考官九宮掾吏酆都水府五府社令冥曹治職各持黑簿來到帝前祖師上帝放九色真光光中送出真火焚燒亡魂罪籍皆為灰燼其諸亡魂歡喜踴躍稽首天帝其諸天帝各乘雲炁自兆泥丸中入各歸官府亡魂遊行自在相貌端嚴迷日三時未詣齋壇朝禮慈尊如不行南昌煉度燒焚罪簿即升經橋上登道境

靈寶无量度人上經大法卷之六十三